



DE
NOXIIS 1775/26
REPERCVTIENTIVM
EFFECTIBVS 6

CONSENSV AC AVCTORITATE
ILLVSTRIS MEDICORVM ORDINIS
IN REGIA FRIDERICIANA

PRO

G R A D V D O C T O R I S

LEGITIME CONSEQVENDO *No. 18.*

DIE XXVI. IVLII ANNO MDCCCLXXV.

P V B L I C E I S S E R E T

BALTHASAR IOANNES IVRTZICK

KORNITZIO — RATTIBORIENSIS SILESIVS

A. A. L. L. ET PHILOS. DOCT.

HALAE SAXONVM
T Y P I S H E N D E L I A N I S.

Mihi placet, vt in vniuerſa arte mentem adhibeamus.

HIPPOCRATES L. DE VICTV ACVTORVM.

Ms. 12

SPECIMEN HOC INAVGVRALE

HVMILLIME


D. D. D.

A V C T O R.


SACRATISSIMO
ET
POTENTISSIMO
INVICTISSIMOQVE PRINCIPI
DOMINO DOMINO
IOSEPHO II.
ROMANORVM IMPERATORI
SEMPER AVGVSTO
GERMANIÆ HIEROSOLYMORVMQVE
REGI
ARCHIDVCI AVSTRIÆ
RELIQVA



DE
NOXIIS
REPERCVTIENTIVM
EFFECTIBVS.



S. I.

 Medicum non eorum solum, quae ad sanitatem tum con-
servandam, tum restituendam iuvant, verum eorum
etiam, quae nocent, cognitione conspicuum esse debere,
non est, quod dubitemus. Dum enim, quae occasionem morbis prae-
bere possunt, arcemus, morbos pariter saepius auertimus, ac morbis
iam enatis facilius medemur, vitatis maxime iis rebus, quae malum

A

aut

aut augere, aut certe, quo minus tuto profligetur, impedire possunt. Remediis vero maximam curam impendere debere medicum, facile patet. Ea enim obseruantur tam salutem adferre, quam detrimentum; vnde Graeci, quo vtrumque significarent, *Φαρμακον* illa appellarunt. Eorum vero effectus pendere tam ab ipsorum viribus, quam a receptiuitate et constitutione corporis, cui offeruntur, certissimum est, ita, vt in hoc corpore remedium quoddam venenum potius existat, quam medicamentum, in alio vero contrarium obtineat. Est itaque veri nominis medici tam ea omnia perscrutari, quae conferunt, vt remedium bonos effectus edat, adeoque medicamentum verum existat; quam ea maxime etiam metiri, quae faciunt, vt detrimentum atque periculum potius aegrotis ab eorum vsu imminet, quam salus, atque adeo illud venenum magis sit, quam medicamentum. His vero cognitis, ex illis remediis ea in primis eligenda esse, quae certo et absque periculo salutem spondent, ea vero vitanda, aut saltem cum magna circumspectione adhibenda esse, quae ancipiti forte euentu iurant, facile est intellectu.

Ego vero, cum medicos, repercutientia in plurimis morbis fatis tuto adhiberi posse, falso sibi persuadere animaduernerem, inpraesentiarum de noxiis repercutientium effectibus exponere constitui; bonos effectus ab iis expectandos cum damnis ex illis oriundis comparaturus. Cui vero nostrae disputationi B. L. aequi bonique consulat, hoc est, quod maxime rogamus.

§. II.

REPERCUTIENTIVM DEFINITIO.

Primo omnium vero monemus, venire nobis sub repercutientium nomine ea remedia, quae vocari aliis solent *reprimentia*, *repellentia*, Graecisque ἀπορροισμα, id est, *remedia externa*, quae humores a partibus externis, ad internas pellunt, indeque excretionem cutaneam imminuunt, tollunt, atque humores in interioribus partibus accumulunt.

§. III.

EORVM ACTIO.

Agunt certe haec remedia, quod iam ex definitione patet, dum humorum fluxum ad interiora promouent, eorum vero, quae ad superficiem tendunt, nisi superant, illosque ad interiora pellunt. Possent humores repelli, exemplo ab animi commotionibus desumpto, SWIETENIVS *) euicit. Quinque vero modis a remediis externe applicatis repulsam contingere, nostrum iam est ostendere.

Primo itaque facile est perspectum, repulsam *constringentibus* maxime obtineri. Dum enim solidorum, atque in primis vasorum cutaneorum extensio inminuitur, non potest non fieri, ut imminuto vasorum lumine, eorumque motu constrictorio aucto, humores, qui ad interiora tendunt, velociori motu promoueantur, et resistentia actione-

A 2

que

*) in T. I. Comment. pag. 665.

que aucta humores aduenturi minima vasa intrare impediuntur, illique demum repelluntur. Remedia, huc maxime referenda, sunt fere sequentia, nimirum plantago, pseudoacori radix, figillum Salomonis, alchymilla, anserina, bursa pastoris, persicaria (hydropiper), radices tormentillae et bistortae, baccae myrti, cortices peruianus, tamarisici et granatorum, horumque flores, gallae, sanguis draconis, terra catechu, vitriolum eiusque spiritus et phlegma, alumen, horumque species, haematites, saturnina, actu frigida.

Obtinetur deinde etiam repulsus *exsiccantibus*: quorum actio maxime diiudicanda est ex illis, quae de constringentibus dicta sunt. Dum enim fluidis partibus solida orbantur, eodem modo contractio efficitur, quo constringentibus. Id vero in his praecipue tenendum est, repulsu stimulante, quo haec gaudent, principio, admodum adiuuari, augeri. Remedia huc spectantia sunt; aromatica, calx viua, eiusque aqua, camphora, spiritus, tam vini simplex, quam compositi, salini, oleosi, et olea aetherea, rel.

Porro *coagulantia* referri ad repercutientia merentur. Etenim dum humores densiores redduntur, intrare vasa minima nequeunt, et quae iam adsunt, aucto solidorum nisi ad interiora promouentur; quae aduehuntur, repelluntur. Maxime vero huc referenda sunt illa, quae iam ad constringentia et exsiccantia spectant, atque in primis saturnina concentrata.

Tandem vero inter repellentia nominanda sunt *relaxantia*. Dum enim ductus excretorii iusto laxiores fiunt, adeoque motus illorum oscillatorius minuitur, ipsa excretio minuitur vel tollitur, ita vt humores excernendi ad interiora redire cogantur. Quorsum pertinent farinosa, mucilaginoso, oleosa, humida.

Denique obturantia s. *conglutinantia* repellentia constituunt. Obturatis enim poris cutaneis iterum excretio humorum impeditur; illa autem impedita necesse est, vt fluidum excernendum per venas retroagatur. Huc spectant omnia remedia tenacia et pingua.

§. III.

EORVM VSVS.

Solent itaque repercutientia in plurimis morbis curandis commendari, maximisque praecomis ornari; et praecipue quidem ad humores in externis partibus stagnantes repellendos, siue serofos, siue sanguineos, et ad iusto maiores humorum excretiones sistendas perutilia censentur. Qua de re in specie commendantur in tumoribus, inflammationibus, e. c. oculorum, erysipelate, in sudoribus, in haemorrhagiis, haemorrhoidibus caecis et fluentibus, in febribus et exanthematibus. Vario itaque nomine celebrantur. Et adferunt etiam magnam vtilitatem in illis vitiis, quae pendent a nimia solidorum laxitate, et vbi humores ipsi nullo vitio laborant.

At enim vero, ea nihilo minus maxima saepissime adferre damna deinde ostendemus, vbi eorum vsum in illis morbis, in quibus commendari maxime solent, cum damnis exinde oriundis fumus comparaturi. Cui vero comparationi praemittenda quaedam esse arbitramur, ad eorum actionem in genere spectantia.

§. V.

ACTIONIS DIFFERENTIA.

Differre medicamentorum actionem ratione virium, quae illis insunt, inter omnes constat: adeoque idem valebit de repercutionibus. Deinde vero remediorum actionem aestimemus oportet ex receptiuitate corporis humani *). Et hic sane maxime, in diiudicanda repercutionum actione, ad corporis constitutionem, cui adplicantur, respiciendum erit: id certe facile est intellectu, eo maiores effectus editura esse in subiectis vsurpata, quae commoueri facile possunt **). Confert deinde etiam aliquid et locus, cui proxime applicantur: quamuis, quod ex partium consensu rite aestimato facile diiudicatur, aliae etiam

*) Remedia externe vsurpata eundem effectum edere solent ac assumta: ea forte lege, vt quae maxime in solidas partes agunt, extus adplicata, minori dosi fortius agant, quam assumta. De venenis saltem id certissimum est. cf. HOFFMANNI *Oper.* T. I. p. 198 seqq.

**) In quibusdam hominibus, teste HOFFMANNO (*Oper.* T. I. p. 360.) tam exquisitae sensationis cutis est, vt etiam spiritiuosa et camphorata ferre nequeant, insigni documento, etiam cum hisce medico agendum esse quam cautissime.

etiam partes deinde facillime adficientur. Probare certe hoc licet exemplo a frigore admissō ad corpus desumpto. Etenim quando caput maxime frigore tangitur, inexpugnabilis fere hemicrania oritur; quando pectus frigori diu exponitur, asthma conuulsiuum inde nascitur, quod omnem saepius respuit medicinam. Abdominis atque in primis ventriculi regione frigidiori aeri exposita, eiusdem inflatio, et quae ad intestina spectant, colica spasmodica et flatulentae tensiones oriuntur. Ad oculos solos admissum frigus eorundem inflammationes producit. Differt deinde etiam eorum actio ratione subiectorum. Sic enim aër frigidus, vt eodem vtar exemplo, ad vterum admissus menstruum fluxum prohibet, idemque ad puerperae vterum admissus lochia supprimit, funestasque inflammationes et febres ciet.

§. VI.

ACTIO IN SANOS.

Iam vero, quae obseruari phaenomena soleant, quando corpori sano, admissa aliqua causa, humores a corporis superficie versus internas partes pelluntur, exponenda sunt. Non posse non fieri, vt transpiratio insensibilis cohibeatur, quis est, quin videat. Dum enim vasa exhalantia constringuntur, humoresque simul iusto densiores redduntur, intrare omnino vasa exhalantia non poterant. Aucta deinde partium solidarum in fluidas actione, motus humorum ad internas creffet, et qui ad superficiem tendunt humores, maiori solidorum nisu repell-

pellentur. Vnde primum obseruatur calor, et impetus sanguinis auctus, congestiones ad varias partes, in primis debiliores, cordis palpitationes, praecordiorum anxietates, spasmi, dolores, tumores, varia humorum vitia, vasorum minimorum obstructions, humorum errores loci, inflammationes, motus febriles, febres, respiratio difficilis, immo suffocatio; deliria, conuulsiones, lypothymiae, apoplexiae, colicae adfectiones, haemorrhoides, abortus. Vno verbo omnia mala, quae sequi solent impeditam transpirationem et impetum sanguinis versus nobiliores partes nimium iusto adauctum. Cui etiam accedit, ut ratione consensus, qui inter intestina et corporis peripheriam obtinet, illa eadem etiam mala experiantur, quae in externis adsunt, in primis spasmodicis doloribus, inflammationibus corripiantur, et mala reliquarum partium internarum illa adaugeantur.

§. VII.

ACTIO IN AEGROS.

Corporibus, quae vario iam iam laborant humorum vitio, partiumque internarum nobiliorum, siue a constitutione naturali, siue a praegressis morbis inducta, debilitate, atque vitio quocumque, mala etiam imminere damna, facile intelligi potest. Ita e. c. illi, quorum pulmones a quacumque causa debiliores existunt, facile, congestionibus versus pectus abortis, haemoptoe corripitur poterunt. Qui densiorum humorum copia abundant, facilius inflammationes experiantur

tur

3
tur necesse est. Sic etiam maxima damna metuenda sunt in illis, qui humorum acrimonia laborant. In his enim pruritus maiores, dolores, spasmi, convulsiones, ulcera, erosiones vasorum, haemorrhagiae, inflammationes, ino gangraena, in internis oriantur, quaeque ratione singularis acrimoniae differant et maiora etiam damna producant, necesse est.

§. VIII.

VBI IN PRIMIS NOCEANT.

In genere vero multum detrimenti ab usu eorum metuendum est in illis, qui humorum copia abundant. Facillime enim adparet, humores in alias partes facilius impingantur, atque in primis in nobiliorum aliquam vehementius irrumpant, necesse esse, quando forte plethora adest, aut humorum organus. Quae quidem magni momenti semper constituunt repugnans. Nonne enim partes nobiliores in primis defendendae sunt? Nonne omne, quod forte imminet malum, ad externas potius partes deriuandum quam maxime? Id quod hodie student medici in multis morbis, adeo iure laudatis, epispasticis efficere: quodque natura ipsa, sibi relicta, magno cum fructu saepius molitur, dum noxios humores ad exteriores partes pellendo, atque ita nobiliores defendendo, tumores et inflammationes cet. efficit, minus corpori detrimentosa, quam euata mala interiora. Et omnis certo morbus

eo maiori stipatur periculo, quo magis laesa sunt viscera, quae maxime faciunt ad vitam. Licetne igitur ea in auxilium vocare, quibus ipsis malum atque periculum augetur?

§. IX.

NOCENT IN CRISI.

Quod ad morbos in genere attinet, illos crisi plurimum solui, eaque vel bona, vel mala, perfecta vel imperfecta, inter omnes constat. Bonas perfectasque crises quod attinet, eas maximo saepius aegrotorum emolumento contingere, quotidiana docet experientia, illasque nullo modo turbandas, nec quidquam omnino molendum esse, quod perfectam suppressere, aut imperfectam reddere possit, sed omnia potius esse curanda, quae forte ad ipsas conferunt, ratio euincit. At enim vero plures, dum veterum quidem temporibus illas contigisse et in calidioribus regionibus obseruari; hodie vero, cum medicamentis statim opem aegrotis feramus, atque in his terris, vix ac ne vix illas apparere, sibi persuadent, *) peccare in his solent. Etenim suppressunt saepius enatas crises maxime salutare, magno certe aegrotorum damno, dum repercuentia vel de industria adhibent, vel incaute ad-

*) In nostris etiam regionibus et temporibus crises contingere, multis argumentis docuerunt Fr. HOFFMANNVS (Oper. T. I. p. 386 seqq.) et V. SWIETEN (Comm. T. I. ad §. 587.).

mittunt. Inde maxime metastases in interioribus partibus contingunt, quae et plus periculi habent, et in medendo multum pariunt difficultatis.

§. X.

IN VARIIS CUTIS VITIIS.

Dicendum iam est de singulis morbis. Repercutientibus adhibitis in *variis cutis vitiis*, pustulis varii generis, tinea capitis, scabie, liberari quidem cutis ab his vitiis potest; attamen multa alia, et nonnumquam grauissima mala inde sequuntur, peccante materia reuerfa, et ad interiora delata. Sic *guttam rosaceam*, cosmeticis repulsam, sequuntur ophthalmiae, palpebrarum, labiorum oris tumores molesti, et si ad pectus recedit, saepius raucedo cum difficili respiratione, nec non ipsa phthisis oritur. *Tinea capitis* in infantibus reperculsa, epilepsia, oculorum inflammatio, eorumque suppuratio, immo plenaria caecitas, fordida narium vel aurium ulcera, atque asthmata conuulsiva oriuntur. *Scabiem* repulsam, praecipue si ad pectus materia pulsa est, dyspnoea, asthma conuulsiuum et suffocatiuum: quando ad ventriculum, vomitus, cardialgia, ventriculi inflammatio, et diarrhoeae cruentae, excipiunt; immo febres quoque varii generis, tam acutae, quam lentae, inde prouenire solent. Eadem certe valent de retropulsis, herpete, lepra, rel.

IN INFLAMMATIONIBVS.

Accedimus ad *inflammationes*. Hae magno aegroti emolumento ad exteriora delatae vix ac ne vix absque damno repelluntur. Sic *erysipelas*, repercutientibus tractatum, vel in mala vlcera abit, vel morbi materia ad interiora promota, ventriculi inflammationem, febresque mali moris producit. *Capitis* in primis repulsum *erysipelas* sequuntur phrenitis, angina, linguae paralysis, hemiplegia, catalepsis, &c. Applicatis in *ophthalmia* frigidis collyriis frequentius lippitudines immedicabiles, visus deperditio, immo suppuratio, et vera caecitas, ob humorem spissitudinem productae, enascuntur. Et certe pro partium varietate, quibus inflammatis adplicastur, et pro aegri, humorum maxime constitutione, BOERHAAVIO teste,*^o) oriri poterunt gangraena, scirrhus, cancer, tum internarum, tum extornarum partium. Ita quoque eiusmodi mala metuenda sunt, cum mulieribus, quae nouissime pepererunt, et mammas infantibus non porrigunt fugendas, aequae ac illis, quae infantes, vt aiunt, ablacant, a lacte in mammis stagnante orti sunt tumores et inflammationes mammarum. In quibus, si non fructione et resolutione auxilium fertur, sed repercutientibus potius tentatur, non potest non fieri, vt illa mala, grauiora

*^o) aphor. 390. 485. 495.

uiora certe, *) sequantur, quae solent nasci ex retropulso et stagnante lacte.

§. XII.

IN EXANTHEMATIBVS.

Iam exponamus de *exanthematibus*, symptomaticis illis, vel criticis, febreque stipatis, vel minus. Nocere in his repercuentia per se patet. Etenim in his omnibus semper vitium contraxerunt humores, quod itaque corrigendum potius est, atque ex corpore eliminandum, quam ut cum illis ad nobiliores partes remittatur. Nec mirum adeo est, quando his adhibitis, vel admisis, mala sequuntur, quae tam retropulsi humorum corruptorum, quam turbatis aëribus, et materiae metastasi respondent, diiudicanda etiam ex officio, quo laesae partes funguntur. Nimirum praeter summas praecordiorum anxietates, dolores, spasmos, inflammationes, gangraena etiam, febres, suffocatio, aphthae, haemorrhagiae, dysenteria, et sexcenta mala metuenda sunt. Iam de singulis moneamus. *Variolis* certe retropulsis a lenissima causa, terrore, frigore, corpore diu in situ erecto detento, conuulsiones, immo mors ipsa, sequuntur. Retrocessis *morbillis*, materia maxime ad pectus delata, valida sicca et conuulsiva oritur tussis, immo suborto asthma et catarrho suffocatio plures intereunt. Sae-

B 3

pius

*) cf. v. SWIETEN Comm. T. IV. ad §. 1329.



pius etiam letalis ventriculi inflammatio cum lipothymiis insequitur. *Purpura*, tam chronica, quam acuta, ad interiores partes pulsa, observantur lipothymiae, anxietates praecordiorum, pectoris oppressiones cum difficultate spirandi, agrypnae, aestus quoque cum frigore et tremore alternantes. Nec solum eadem mala, sed ipsa etiam citissima mors observantur oriri a retropulsis *petechiis* et *carbunculis* vel *bubonibus*, quae in peste locum habent.

§. XIII.

IN HAEMORRHAGIIS.

Commendari deinde repercutientia maxime solent ad sistendas humorum excretiones, in primis ad *haemorrhagias*. At quanto plerumque aegrotorum damno! saepius enim, naturae ope, graues et vix vlla arte sanabiles morbi sanguinis profluuium felicissime solvuntur. Neque enim criticae solum existunt maximeque salubres in febribus acutis, sed praeter ea variis etiam ipsae medentur chronicis morbis. Teste enim HOFFMANNO *) insania, vertigo, asthma convulsivum, adfectus soporosi, paralytici, hemicraniae, arthritici et rheumatici dolores, pathemata hypochondriaca, immo convulsiones et epilepsiae, ex soluto sanguine remiserunt et cessarunt. Illas vero suppressas sequitur im-

*) Oper. T. I. p. 409.

impetus sanguinis ad caput et pectus auctus, ita ut tam apoplexiae, quam suffocationis periculum imminet, immo oriuntur haemoptyses vomitusque cruenti. Numquam igitur tuto adstringentibus hi fluxus sistuntur, cum summa semper mala metuenda sint. Sic etiam stypticis vtero admotis ad impediendam largiorem haemorrhagiam, vteri inflammatio, exulceratio, gangraena, cum febre exoriuntur: et dum plebeiae mulierculae orificium vteri obturant, vaginamque linteis implent, sistunt quidem haemorrhagias, at ita, ut, corrupto intus sanguine, vteri inflammatio, immo gangraena, atque mors demum sequatur. Et quanta a lochiis suppressis mala! Saepius sane inde vteri inflammatio, et gangraena, et ex illa in primis purpura puerperarum, oriuntur. A fascia, nimis iusto adstricta, lochia suppressa, summa anxietas, animi deliquium, dolores, animaduersa sunt. *)

§. XIV.

IN ARTHRITIDE ET VARIA METASTASI.

Summum etiam aegrotis imminet periculum a metastasi materiae *arthriticae*, vel alius; depositae in partibus exterioribus, illaque inducta repercutientibus. Sic repulsa *podagra*, si ad caput delata est, atroces capitis dolores, vertigo, apoplexia, hemiplegia, paralysis, memo-

*) V. SWIETEN Comm. T. IV. p. 625.

moriae abolitio, facua odontalgia, aponia, gutta serena, rel. oriuntur. Materia ad pectus potissimum pulsa, pleuritis, serina et chronica tussis, dispnoea, asthma cum metu suffocationis obseruantur. Saepius ad imum ventrem delata materia, sequuntur appetitus prostratio, nausea, dolor grauius, praecordiorum anxietas, vomitus quoque cruentus, vomendi conatus; immanis intestinorum dolor, iliacus, colicus, diarrhoeae, immo cruentae deiectiones: vel illa ad renes in primis pulsa oritur calculus renalis, et quae pendent ab hoc. Et hic certe saepius peccatur: SYDENHAMVS enim *fidenter asserit, multa et longa obseruatione suffultus, maximam partem eorum, qui podagra periisse putantur, non tam ipso morbo, quam sublesta atque indebita (per repellentia tentata) medicatione fuisse peremptos.* *) Ita quoque a repercutientibus *parotidibus* adplicatis, insequuntur vix sanabilia pulmonum vitia, asthma, phthisis, tabes, oris et linguae vlcera. Idem obtinet in tumoribus *subaxillarum* glandularum, vnde originem duxerunt pectoris oppressiones et serinae tusses. Multa, hisque analogae, etiam damna enascuntur a retropulsa materia, quae circa aures et inguina stagnauerat.

§. XV.

*) Oper. T. I. p. 329.

§. XV.

CONCLUSIO.

Ex quibus omnibus luculenter equidem patere arbitror, re-
percutientia infidum et noxium plerumque auxilii genus constituere,
atque abstinere ab illis omnem rationalem medicum, certe cum maxima
circumspectione illis uti debere. Neque tamen minus admitti illa non
numquam posse, forte obiici possit, cum febris arte producenda sit;
et ubi vix ab aliis remediis auxilium expectari possit. HIPPOCRA-
TES quidem haec habet: *quandoque in nervorum distensione, absque
ulcere, in iuvene quadrati corporis, aestate media, frigidae copiosae
perfusio caloris reuocationem efficit, calor autem haec sanat: *)* et post
*affusam frigidam plurimam, vestimenta tenuia, pura et calida super-
iniucito, tuncque ignem ne adhibeto. Hoc modo tetani et opisthota-
ni curandi. **)* Creditur igitur aucto calore (nos hodie, circulo sangui-
nis velociori) his malis mederi medicum posse. At si perpendamus,
admodum restrinxisse ipsum suam sententiam, et cum hac, alia ipsius
loca comparemus, me quidem iudice, his abstinemus. *Frigidum,*
inquit, *convulsiones, nervorum distensiones, denigrationes, et rigores
febriles efficit: et est frigidum aduersum ossibus, dentibus, nervis, ce-*

te-

*) aphor. 21. Sect. VII.

**) de morb. L. III. S. V. p. 492. Ed. Foer.

*rebro, dorsali medullae: et frigida, velut nix et glacies pectori sunt ad-
versa, tusses mouent, sanguinis eruptiones et destillationes efficiunt. *)*
Hinc igitur, eo ipso teste, secure utendum est ?

Medicamenta demum ipsa prius, quam egregios effectus edi-
disse putemus, probe examini subiiciamus, alio modo iauerint: si
enim, e. c., resolutionem salutarem effecerint, sub resoluentium, neu-
tquam sub repercutientium nomine celebrentur.

*) *Sec. VII. aphor. 17. 18. 29.*




ULB Halle 3
003 249 530



5b.







DE
N O X I I S ^{1775, 26}
REPERCVTIENTIVM
E F F E C T I B V S ₆

CONSENSV AC AVCTORITATE
ILLVSTRIS MEDICORVM ORDINIS
IN REGIA FRIDERICIANA

PRO

G R A D V D O C T O R I S

LEGITIME CONSEQVENDO *No. 18.*


DIE XXVI. IVLII ANNO MDCCCLXXV.

PUBLICE LISSERET

BALTHASAR IOANNES IVRTZICK

KORNITZIO — RATTIBORIENSIS SILESIVS

A. A. L. L. ET PHILOS. DOCT.



HALAE SAXONYM

T Y P I S H E N D E L I A N I S .